

ხელშეკრულება სახელმწიფო შესყიდვის შესახებ
N1.1.10/30/091

ქ. თბილისი

09 დეკემბერი 2020 წელი

ერთის მხრივ, ქ. თბილისის მუნიციპალიტეტის დიდუბის რაიონის გამგეობა, მდებარე: ქ. თბილისი, აკ. ბელიაშვილის ქ. N1 (შემდგომში „შემსყიდველი“), წარმოდგენილი რაიონის გამგებლის ირმა ზავრადაშვილის სახით და მეორეს მხრივ, შპს „სუხო“, ს.კ. 404530968, მისამართი: თბილისი, თარხნიშვილის I ჩიხი კორპუსი 4 ბ.16 (შემდგომში „მიმწოდებელი“), წარმოდგენილი ხელმძღვანელის კახაბერ სუხიშვილის სახით, ვხელმძღვანელობთ რა საქართველოში მოქმედი კანონმდებლობით, გამგეობის მიერ ჩატარებული ელექტრონული ტენდერის აუქციონის გარეშე (განცხ. NAT200016247) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი, საშუალება და ხელშეკრულების მოქმედების ვადა

- 1.1. ქ. თბილისის დიდუბის რაიონის ტერიტორიაზე დაზიანებული ქუჩების მიმდინარე შეკეთების, ორმული შეკეთებისა და შიდა ეზოების შეკეთების სამუშაოების სახელმწიფო შესყიდვა.
- 1.2. კლასიფიკატორის კოდი 45200000/45233140 - გზის სამუშაოები.
- 2.1. ხელშეკრულება ძალაშია მხარეთა მიერ ხელმოწერიდან 2021 წლის 31 იანვრამდე, გარდა წინამდებარე ხელშეკრულების მე-4 მუხლისა, რომლის მოქმედების ვადა განისაზღვრება მასში მითითებული საგარანტიო ვადის შესაბამისად.

2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს 62 991,60 (სამოცდაორი ათას ცხრაას ოთხმოცდათერთმეტი ლარი და 60 თეთრი) ლარს.
- 2.2. ხელშეკრულების ჯამური ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

3. სამუშაოს შესრულების პირობები

- 3.1. სამუშაოების მიწოდების ვადა - ეტაპობრივად, ხელშეკრულების გაფორმებიდან 2020 წლის 25 დეკემბრამდე.
- 3.2. ეტაპობრივი შესრულება გულისხმობს, რომ მიმწოდებელს კონკრეტული მისამართი, შესაბამისი შესასრულებელი სამუშაოების დეტალური აქტი, ტექნიკური დოკუმენტაცია და სამუშაოებისთვის განსაზღვრული ვადები გადაეცემა წერილობით, ეტაპობრივად.
- 3.3. წინამდებარე ხელშეკრულების 1.1. პუნქტში მითითებული სამუშაოს სპეციფიკიდან გამომდინარე შემსყიდველი არ იღებს ვალდებულებას წინამდებარე ხელშეკრულების 3.1. პუნქტით განსაზღვრული სამუშაოების მიწოდების ვადაში ტექნიკური დავალებით გათვალისწინებული სამუშაოების მოცულობების სრულად დაკვეთის შესახებ;
- 3.4. თუ კი სამუშაოების უსაფრთხო წარმოებისთვის საჭიროა შესაბამისი სამსახურებთან შეთანხმებული, უსაფრთხოების სქემით სამუშაოების წარმოება, მიმწოდებელი ვალდებულია სრულად დაიცვას შეთანხმებული სქემით განსაზღვრული პერიმეტრი შესაბამისი მარეგულირებელი ნიშნებით;

- 3.5. მიმწოდებელი ვალდებულია სამუშაოები დაიწყოს წერილობითი დავალების მიღებიდან არაუგვიანეს 3 (სამი) კალენდარულ დღის ვადაში;
- 3.6. შემსყიდველის მოთხოვნის შემთხვევაში მიმწოდებელმა უნდა უზრუნველყოს მინიმუმ 4 (ოთხი) ობიექტზე ერთდროულად სამუშაოების წარმოება;
- 3.7. მიწოდების ადგილი – ქ. თბილისი, დიდუბის რაიონის ტერიტორია;
- 3.8. მიმწოდებელმა ობიექტზე უნდა განათავსოს მინიმუმ 2 (ორი) ერთეული საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად.
- 3.9. სამუშაოების დასრულების შემდეგ შესრულებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, სამშენებლო ნაგვისაგან და ა. შ.
- 3.10. მიმწოდებელს სამშენებლო სამუშაოების ადგილზე უნდა გააჩნდეს სატენდერო დოკუმენტაციით განსაზღვრული საჭირო მატერიალურ-ტექნიკური ბაზა.
- 3.11. საჭიროების შემთხვევაში, შემსყიდველის მოთხოვნით საფარის ზედა ფენის მოწყობა (სისქით 4 სმ და 5 სმ) უნდა მოხდეს წვრილმარცვლოვანი მოდიფიცირებული მკვრივი ა/ბეტონით (ადჰეზიური დანამატის გამოყენებით).
- 3.12. ტრანსპორტირებისას უნდა მოხდეს ასფალტბეტონის ნარევის ტენტიტ დაფარვა. თერმომეტრით ასფალტბეტონის ტემპერატურის გაზომვის მიზნით ნარევის გადამტანი თვითმცლელის ძარის მარჯვენა მხარეს დატანილი უნდა იქნეს 3სმ ხვრელი.
- 3.13. მიმწოდებელი ვალდებულია სამუშაოების შესრულებისას წარმოქმნილი ნარჩენები (ინერტული) განათავსოს მუნიციპალიტეტის მიერ სპეციალურად საამისოდ გამოყოფილ ადგილზე, თბილისის ტერიტორიაზე განთავსების შემთხვევაში - გლდანის რაიონი, თბილისის შემოვლითი საავტომობილო გზის მე-15 კმ.
- 3.14. მიმწოდებელი ვალდებულია აღმოფხვრას სამუშაო ადგილის ფარგლებში მისი მიზეზით გამოწვეული დაზიანებები და აღადგინოს პირვანდელი მდგომარეობა.

4. შესრულებული სამუშაოს ხარისხი და გარანტია

- 4.1. შესრულებული სამუშაოს სრულფასოვანი ფუნქციონირების საგარანტიო ვადა უნდა შეადგენდეს საბოლოო მიღება- ჩაბარების აქტის გაფორმებიდან მინიმუმ 2 (ორი) წელს.
- 4.2. სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას იგი საკუთარი ხარჯებით.

5. ხელშეკრულების შესრულების კონტროლი (ინსპექტირება)

- 5.1. ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.
- 5.2. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მუნიციპალიტეტის დიდუბის რაიონის გამგეობის თანამშრომლები:
- ამირან ბილიხომე
 - გიორგი ბარათაშვილი
 - აკაკი კაკიტაძე
 - თეიმურაზ ოქრომელიძე

5.3. მიმწოდებლის მიერ ხელშეკრულებით ნაკისრი ვალდებულებების შესრულების ტექნიკურ ზედამხედველობას და შესრულებული სამუშაოს ხარისხის კონტროლს განახორციელებს **ა(ა)იპ თბილისის მუნიციპალური ლაბორატორია**;

5.4. მიმწოდებელი ვალდებულია საკუთარი ხარჯით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

6. შესყიდვის ობიექტის მიღება-ჩაბარების წესი.

6.1. სამუშაოს ან მისი ნაწილის მიღება-ჩაბარება ხორციელდება ა(ა)იპ „თბილისის მუნიციპალური ლაბორატორიის“ მიერ დადასტურებული ფორმა N2-ის საფუძველზე, ამასთან **სამუშაოების (ან მისი ნაწილის) შესრულების თარიღად ჩაითვლება შესრულებული სამუშაოების აქტში - ფორმა N2-ში მითითებული თარიღი, დადასტურებული ტექნიკური ზედამხედველის მიერ.**

6.2. ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს, ფაქტობრივად შესრულებული სამუშაოების გათვალისწინებით, ხელშეკრულების 5.2 პუნქტით განსაზღვრულ პირ(ებ)თან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი.

6.3. ხელშეკრულების შესრულების კონტროლზე, ტექნიკურ ზედამხედველობასა და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინამდებარე ხელშეკრულების მე-5 მუხლის 5.2 პუნქტში მითითებული პირები.

6.4. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.5. შემსყიდველის მიერ შესყიდვის ობიექტის ან მისი ნაწილის (ეტაპი) რაოდენობრივი და ხარისხობრივი პარამეტრების შემოწმების დროს დეფექტის ან ნაკლის გამოვლენის შემთხვევაში შემსყიდველი ოპერატიულად, წერილობითი სახით, აცნობებს მიმწოდებელს შემოწმების შედეგებს - დაწუნებულ სამუშაოებს და წუნდების მიზეზებს.

6.6. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორების ფორმა

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება მოხდება 2020 წლის ადგილობრივი ბიუჯეტის სახსრებით ეტაპობრივად, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

7.3. ამ ხელშეკრულების მე-8 მუხლით გათვალისწინებულ შემთხვევაში მიმწოდებელზე დაკისრებული ჯარიმის (პირგასამტეხლოს) ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული ჯარიმის (პირგასამტეხლოს) გადახდის შემდეგ.

7.4. იმ შემთხვევაში, თუ ამ ხელშეკრულების მე-8 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინების მიღებიდან 7.2 პუნქტით გათვალისწინებულ ანგარიშსწორებამდე მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული შესრულებული სამუშაოების ღირებულების ანაზღაურებისას, ხელშეკრულების პირობების

დარღვევის გამო საჯარიმო სანქციით დაკისრებული თანხა დაუქვითოს მიმწოდებელს, რის შემდეგაც მიმწოდებელს ჩაერიცხება დარჩენილი თანხა.

7.5. წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;

8.2. ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს დაეკისრება ჯარიმის გადახდა (გარდა შესრულების ვადის დარღვევისა) ყოველ ჯერზე ამ ხელშეკრულების მთლიანი ღირებულების 0,02%-ის ოდენობით.

8.3. მიმწოდებელი ვალდებულია სამუშაოები დაიწყოს წერილობითი დავალების ჩაბარებიდან არაუგვიანეს 3 (სამი) კალენდარულ დღეში, წინააღმდეგ შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 0,02%-ის ოდენობით.

8.4. გადაცემული დავალებით განსაზღვრული კონკრეტული სამუშაოს დასრულების ვადის დარღვევის შემთხვევაში მიმწოდებელს დაეკისრება ამ ხელშეკრულების მთლიანი ღირებულების 0,02%-ის ოდენობით ყოველ ვადაგადაცილებულ დღეზე;

8.5. თუ მიმწოდებლის მიერ სამუშაოს დასრულების ვადის დარღვევა გამოწვეული არის შემსყიდველის მიერ შერჩეული ორგანიზაციის მიერ შესყიდვის ობიექტის ან მისი ნაწილის (ეტაპი) რაოდენობრივი და ხარისხობრივი პარამეტრების შემოწმებისათვის აუცილებელი დროის გამოყენებით, ასეთ შემთხვევებში არ იქნება გამოყენებული წინამდებარე ხელშეკრულების 8.4 პუნქტით გათვალისწინებული საჯარიმო სანქციები.

8.6. ამ მუხლის 8.3. ან 8.4. პუნქტით გათვალისწინებულ შემთხვევაში თუ პირგასამტეხლოს ოდენობა გადააჭარბებს ამ ხელშეკრულების ღირებულების 0,2%-ს ან ამ მუხლის 9.2. პუნქტით გათვალისწინებული სანქციის 2-ჯერ ან მეტჯერ გამოყენების შემთხვევაში, შემსყიდველს უფლება აქვს ცალმხრივად შეწყვიტოს ხელშეკრულება.

8.7. აღნიშნული საფუძველით ხელშეკრულების ცალმხრივად შეწყვეტის შემთხვევაში, მიმწოდებელს დაეკისრება ჯარიმა ხელშეკრულების ღირებულების 10%-ის ოდენობით.

8.8. შემსყიდველი იღებს ვალდებულებას ხელშეკრულების 7.2 პუნქტის მოთხოვნის დარღვევის შემთხვევაში გადაუხადოს მიმწოდებელს პირგასამტეხლო ჩასარიცხი თანხის 0,02 %-ის ოდენობით, ყოველ ვადაგადაცილებულ დღეზე.

8.9. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2. მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში;
- ბ) მიმწოდებლის მიერ წერილობითი დავალების ჩაბარებიდან სამუშაოების დაწყების 10 (ათი) კალენდარულ დღეზე მეტი ვადით გადაცილების შემთხვევაში.
- გ) მიმწოდებლის მიერ სამუშაოს საბოლოო შესრულების ვადის 10 (ათი) კალენდარულ დღეზე მეტი ვადით გადაცილების შემთხვევაში;
- დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ე) საქართველოს კანონმდებლობით გათვალისწინებულ სხვა შემთხვევებში.

9.6. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება.

10. ფორს-მაჟორი

10.1. ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

10.2. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4. იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე

მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ანაზღაურება განხორციელდება სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნით განსაზღვრული ახალი პოზიციის ერთეულის ფასის ფარგლებში, ექსპერტიზის დასკვნით დადგენილი ფაქტობრივი დანახარჯების მიხედვით. ექსპერტიზის მომსახურების ღირებულებას ანაზღაურებს მიმწოდებელი.

11.3. სამუშაოების წარმოების პროცესში, სამუშაოს ახალი პოზიცი(ებ)ის ქალაქ თბილისის მუნიციპალიტეტის დიდუბის რაიონის გამგეობის ინიცირების შემთხვევაში, ექსპერტიზის მომსახურების ღირებულებას ანაზღაურებს შემსყიდველი, „საჯარო სამართლის იურიდიული პირის - ლევან სამხარაულის სახელობის სასამართლო ექსპერტიზის ეროვნული ბიუროს მომსახურების ტარიფების დამტკიცების შესახებ“ საქართველოს მთავრობის 2012 წლის 8 მაისის N171 დადგენილებით განსაზღვრული ტარიფების ფარგლებში.

11.4. ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1. მხარეთა შეთანხმებით დასაშვებია ხელშეკრულების საერთო ღირებულების შეცვლა.

12.2. ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.4. ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. სადავო საკითხების გადაწყვეტა.

13.1. ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

13.3. ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

13.4. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

13.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. სხვა პირობები

14.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

14.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ.

15. მხარეთა იურიდიული მისამართები და რეკვიზიტები

შემსყიდველი

ქალაქ თბილისის მუნიციპალიტეტის
დიდუბის რაიონის გამგეობა
ს/კოდი: 202171167
მის. აკ. ბელიაშვილის ქ. N1
სახელმიწფო ხაზინა:
ა.ა. GE24NB0330100200165022
TRESGE22

მიმწოდებელი

შპს „სუხო“
ს/კოდი: 404530968
მის: თბილისი, თარხნიშვილის I ჩიხი კორპუსი 4 ბ.16
სს „თიბისი ბანკი“
TBCBGE 22
ა.ა. GE77TB7994536080100005
ტელეფონი: +995577550677
ელ-ფოსტა: k.suxo@hotmail.com


ირმა ზავრადაშვილი

კახაბერ სუხიშვილი

**წერილი სახელმწიფო შესყიდვის
(ხელშეკრულება №1.1.10/30/091 09.12.2020 წელი)
ელექტრონული ტენდერის საშუალებით განხორციელებისას
ინტერესთა კონფლიქტის თავიდან აცილების შესახებ**

ქ. თბილისი

09 დეკემბერი 2020 წელი

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტი შესაბამისად, ჩემი მონაწილეობა ქ. თბილისის დიდუბის რაიონის ტერიტორიაზე დაზიანებული ქუჩების მიმდინარე შეკეთების, ორმული შეკეთებისა და შიდა ეზოების შეკეთების სამუშაოების სახელმწიფო შესყიდვის განხორციელებაში არ იწვევს ინტერესთა კონფლიქტს.

ინფრასტრუქტურული პროექტების მართვისა და
პროექტირების განყოფილების
მეორე კატეგორიის უფროსი სპეციალისტი


_____ **აკაკი კაკიტაშვი**

ზედამხედველობისა და რეაგირების
განყოფილების მეორე კატეგორიის
უფროსი სპეციალისტი


_____ **თეიმურაზ ოქრომელიძე**

დიდუბის რაიონის ტერიტორიაზე დაზიანებული ქუჩების მიმდინარე შეკეთების, ორმული შეკეთების და შიდა ეზოების შეკეთების სამუშაოების ხარჯთაღრიცხვა

№	სამუშაოს დასახელება	განზ. ერთ.	რაოდენობა	ერთ. ფასი	ჯამი	ზღვრული ერთ.ფასი
1	2	3	4	5	6	7
1	დაზიანებული ა/ბეტონის საფარის ფრეზირება (საშ. სისქით 10 სმ-მდე) და ადგილზე დასაწყობება შემდგომი გამოყენებისათვის	მ²	20,00	1,20	24,00	1,20
2	დაზიანებული ა/ბეტონის საფარის ფრეზირება (საშ. სისქით 10 სმ-მდე) და გატანა შემსყიდველის მიერ მითითებულ ადგილზე შემდგომი გამოყენებისათვის, 15 კმ-მდე მანძილზე	მ²	15,00	3,00	45,00	3,00
3	დაზიანებული ა/ბეტონის საფარის მოხსნა პნევმატური ჩაქურჭებით და დატვირთვა ავტოთვიმცლელზე	მ³	16,00	6,00	96,00	13,00
4	დაზიანებული ა/ბეტონის საფარის მოხსნა მექანიზმებით და დატვირთვა ავტოთვიმცლელზე	მ³	105,00	2,50	262,50	4,00
5	ორმოების ნაწიბურების დამუშავება ხერხით	გ.მ	110,00	1,00	110,00	1,00
6	III კატ. გრუნტის (ან ნაშალი მასალის) დამუშავება მექანიზმებით და დატვირთვა ავტოთვიმცლელზე	მ³	28,00	3,00	84,00	3,00
7	III კატ. გრუნტის დამუშავება ხელით და დატვირთვა ავტოთვიმცლელზე	მ³	0,50	17,00	8,50	17,00
8	დაზიანებული ბორდიურების დემონტაჟი და დატვირთვა ავტოთვიმცლელზე	მ³	25,00	6,00	150,00	13,00
9	ბეტონის ან კლდოვანი გრუნტის დამუშავება მექანიზმებით და დატვირთვა ავტოთვიმცლელზე	მ³	1,00	7,00	7,00	7,00
10	სამშენებლო ნარჩენების გატანა ნაგავსაყრელზე	მ³	220,00	5,00	1100,00	15,00
11	არსებული ვარგისი ბორდიურების (ბეტონი, ბაზალტი) დემონტაჟი და დასაწყობება გვერდზე შემდგომი გამოყენებისათვის	გ.მ	20,00	1,25	25,00	5,00
12	არსებული ბორდიურების (ბეტონი, ბაზალტი) მონტაჟი ბეტონის (არანაკლებ B-10) საფუძველზე.	გ.მ	15,00	2,50	37,50	9,00
13	ბაზალტის ახალი ბორდიურის (15X30) მოწყობა ბეტონის (არანაკლებ B-10) საფუძველზე.	გ.მ	10,00	28,00	280,00	45,00
14	ბეტონის (არანაკლებ B-22,5) ახალი ბორდიურის (15X30) მოწყობა ბეტონის (არანაკლებ B-10) საფუძველზე.	გ.მ	85,00	20,00	1700,00	25,00
15	ბაზალტის ახალი ბორდიურის (10X20) მოწყობა ბეტონის საფუძველზე (არანაკლებ B-10)	გ.მ	10,00	18,00	180,00	32,00
16	ბეტონის (არანაკლებ B-22,5) ახალი ბორდიურის (10X20) მოწყობა ბეტონის საფუძველზე (არანაკლებ B-10) .	გ.მ	10,00	12,00	120,00	18,00
17	საფუძვლის ქვედა ფენის მოწყობა ქვიშა-ხრეშით (0-120 მმ) დატკეპნით	მ³	10,00	14,00	140,00	18,00
18	საფუძვლის ქვედა ფენის მოწყობა ქვიშა-ხრეშოვანი ნარევით (0-70 მმ) დატკეპნით	მ³	20,00	20,00	400,00	22,00
19	საფუძვლის ზედა ფენის მოწყობა ფრ. ლორღით (0 - 40 მმ), დატკეპნით	მ³	250,00	22,00	5500,00	25,00
20	საფუძვლის ზედა ფენის მოწყობა ფრ. ლორღისა (70%) და ასფალტის გრანულატის ნარევით (30%)	მ³	8,00	15,00	120,00	17,00
21	ნაწიბურების დამუშავება თხევადი ბიტუმით (0,35-0,4 ლ/მ)	ლ	1,50	1,20	1,80	1,50
22	ბიტუმის ემულსიის მოსხმა საფუძვლის ზედა ფენაზე (0,7ლ/მ²)	ლ	190,00	1,20	228,00	1,50
23	ბიტუმის ემულსიის მოსხმა საფარის ქვედა ფენაზე (0,35ლ/მ²)	ლ	550,00	1,20	660,00	1,50
24	შემასწორებელი ფენის მოწყობა წვრილმარცვლოვანი ა/ბეტონით	ტ	12,00	90,00	1080,00	150,00
26	საფარის ქვედა ფენის მოწყობა მსხვილმარცვლოვანი ა/ბეტონით საშ. სისქით 6 სმ.	მ²	200,00	17,50	3500,00	19,50

27	არსებული საკომუნიკაციო ჭეხის მოყვანა გზის ნიშნულზე ბეტონის (ბეტონის შრობის დამაჩქერებელი ქიმიური დანამატის გამოყენებით) საფუძველზე	ც	1,00	50,00	50,00	50,00
28	საფარის ზედა ფენის მოწყობა წვრილმარცვლოვანი ა/ბეტონით საშ. სისქით 3 სმ.	მ²	35,00	9,50	332,50	12,00
29	საფარის ზედა ფენის მოწყობა წვრილმარცვლოვანი ა/ბეტონით საშ. სისქით 4 სმ.	მ²	210,00	13,80	2898,00	15,50
30	საფარის ზედა ფენის მოწყობა წვრილმარცვლოვანი ა/ბეტონით საშ. სისქით 5 სმ.	მ²	1500,00	17,50	26250,00	18,50
31	ტროტუარის საფუძვლის ზედა ფენის მოწყობა ასფალტის გრანულატის ნარევით	მ³	1,20	5,00	6,00	15,00
32	ტროტუარის საფარის მოწყობა ქვიშოვანი ა/ბეტონით სისქით 3 სმ	მ²	30,00	11,50	345,00	13,00
33	არსებული სათვალთვალი ჭის კედლების გამონგრევა პნევმატური ჩაქუნით, კედლის წინასწარი გაბურღვით (მილის დაერთების ადგილზე), დატვირთვა ხელით ა/თვითმცვლეზე დაგატანა 15 კმ-მდე	მ³	0,07	25,00	1,80	25,00
34	არსებული სათვალთვალო ჭეხის შებათქაშება მილის დაერთებულ ადგილზე ქვიშა-ცემენტის ხსნარით.	მ³	0,07	150,00	10,80	150,00
35	ქვიშის ბალიშის მოწყობა მილის ქვეშ სისქე 10 სმ /ან მილების დაფარვა ქვიშით სისქე 20 სმ/ დატკეპნა ვიბრო მექანიზმით კ-1,12	მ³	0,10	22,00	2,11	22,00
36	თხრილის ან ქვაბულის შევსება ქვიშა -ხრეშოვანი ნარევით, ფენებად დატკეპნა ვიბრო სატკეპნით კ-1,22	მ³	0,10	15,00	1,44	15,00
37	ვარგისი გრუნტის უკუჩაყრა ფენებად დატკეპნა	მ³	0,72	8,00	5,76	8,00
38	ქვაბულის ძირის მოწყობა ქვიშა-ხრეშოვანი ნარევით სისქით 10 სმ, დატკეპნა ვიბრო სატკეპნით კ-1,22	მ³	0,10	20,00	1,92	20,00
39	საკანალიზაციო ჭის ძირის დაბეტონება, მიმმართველი არხის მოწყობა/ან საკანალიზაციო ჭის კედლების დაბეტონება/ ბეტონით მ=200	მ³	0,24	150,00	36,00	150,00
40	ჭის გადახურვის მოწყობა თუჯის მრგვალი ჩარჩო-ხუფით (d-70 სმ)	ც	1,00	150,00	150,00	280,00
41	რკინა-ბეტონის გადახურვის ფილის მოწყობა თუჯის მრგვალი ჩარჩო-ხუფით (d-70 სმ)	ც	1,00	200,00	200,00	450,00
42	საკანალიზაციო ჭის რკინა-ბეტონის გადახურვის ფილის მოწყობა თუჯის მრგვალი ჩარჩო-ხუფით (d-70 სმ) (თბილისი შტამპით) ტრანსპორტირებით და მონტაჟით.	ც	1,00	200,00	200,00	330,00
43	სანიადვრე ჭის ძირის/ან კედლების/ მოწყობა მონოლითური ბეტონით მ=200	მ³	0,07	150,00	10,80	150,00
44	რკინა-ბეტონის გადახურვის ფილის მოწყობა თუჯის ოთხკუთხა ჩარჩო-ხუფით (74X82 სმ) (თანდართული ესკიზის მიხედვით) ტრანსპორტირებით და მონტაჟით.	ც	1,00	300,00	300,00	510,00
45	სანიადვრე ჭის გადახურვის მოწყობა ლითონის ოთხკუთხა ჩარჩო ცხაურით (74X82 სმ) (თანდართული ესკიზის მიხედვით) ტრანსპორტირებით და მონტაჟით.	ც	1,00	300,00	300,00	510,00
46	სანიადვრე ჭის გადახურვის მოწყობა ლითონის ჩარჩო ცხაურით (შიდა ზომა 40X40 სმ)ტრანსპორტირებით და მონტაჟით.	ც	1,00	45,00	45,00	45,00
47	რკინა-ბეტონის გადახურვის ფილის მოწყობა თუჯის ოთხკუთხა ჩარჩო-ხუფით (70X70 სმ) ტრანსპორტირებით და მონტაჟით.	ც	1,00	250,00	250,00	550,00
48	სანიადვრე ჭის გადახურვის მოწყობა ლითონის ჩარჩო ცხაურით (70X70 სმ)	ც	1,00	200,00	200,00	530,00
49	სანიადვრე ჭის გადახურვის მოწყობა ლითონის ჩარჩო ცხაურით (70X70 სმ)ტრანსპორტირებით და მონტაჟით.	ც	1,00	250,00	250,00	300,00
50	თუჯის გვერდმიმდებარე მოწყობა ტრანსპორტირებით და მონტაჟით.	ც	1,00	150,00	150,00	445,00
51	დაზიანებული ჩარჩო ხუფის გასწორება და ქვიშა-ცემენტის ნარევით გამაგრება	ც	1,00	25,00	25,00	25,00
52	ბეტონის ნაკეთობების (მ.შ. ს/კედელი, კიბე, პარაპეტი, არხი) მოწყობა/ადდენა B-22,5 ბეტონით	მ³	0,07	175,00	12,25	175,00
53	ბეტონის სამუშაოები (მ-200)	მ³	0,07	130,00	9,10	130,00
54	ხის კუნძულების ამოძირკვა და გატანა	ც	3,00	5,00	15,00	25,00
ჯამი					47917,78	

	ზედნადები ხარჯები	4%			1916,71	
	ჯამი				49834,49	
	მოგება	4%			1993,38	
	ჯამი				51827,87	
	გაუთვალისწინებული ხარჯები:	3%			1554,84	
	ჯამი				53382,71	
	დღგ	18%			9608,89	
	სულ				62991,60	

შენიშვნა:

- პრეტენდენტის მიერ წარმოდგენილი ერთეულის ფასები არ უნდა აღემატებოდეს დანართი N1-ში მითითებული შესაბამისი ერთეულის ზღვრული ფასები ოდენობას.
- პრეტენდენტის მიერ ხარჯთაღრიცხვა ატვირთული უნდა იქნას Excel-ის ფორმატის ფაილის სახით, დანართი N1-ის მიხედვით. (ხარჯთაღრიცხვის წარმოდგენლობა, ან განუფასებელი ხარჯთაღრიცხვის წარმოდგენა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას)
- საჭიროების შემთხვევაში, შემსყიდველის მოთხოვნით საფარის ზედა ფენის მოწყობა (სისქით 4 სმ და 5 სმ) უნდა მოხდეს წერილმარცვლოვანი მოდიფიცირებული მკვრივი ა/ბეტონით (ადჰეზიური დანამატის გამოყენებით).

Kakhaber
Sukhishvili

Digitally signed by Kakhaber
Sukhishvili
Date: 2020.11.30 11:45:25 +04'00'